



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N 9/9627

< 19 > 05 2023թ.

**Հովհաննես Թոմիկի Ամրոյանին
Հասցե՝ Շիրակի մ., Գյումրի, Տերյան փ., 76 փ.,**

Ուղարկվում է Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական բողոքարկման վարույթի արդյունքում թիվ 8300505605 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ << 3 >> թերթ:

**Պերի պարտականությունների
ժամանակավոր կատարող,
ոստիկանության գնդապետ՝**

Ա. Մաթևոսյան

Կատ. Մ. Սարգսյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 24.03.2023թ-ին կայացված թիվ 8300505605 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 04 >> 05 2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա.Մաթևոսյանս, վերանայելով Հովհաննես Թոմիկի Ամրոյանի (Այսուհետ՝ դիմող) 04.04.2023թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

24.03.2023թ.-ին՝ ժամը 22:01-ի սահմաններում, Շիրակի մարզի Գյումրի քաղաքի Ախուրյան խճուղում դիմողի վարած «Վազ» մակնիշի 37 RV 893 հաշվառման համարանիշի տրանսպորտային միջոցի տեխնիկական վիճակի զննություն անցած չլինելու փաստը արտացոլվել է պարեկային ծառայության դյուրակիր համակարգչի ծրագրում, ինչի հետևանքով ՀՀ ՆԳՆ ոստիկանության պարեկային ծառայության Շիրակի մարզի գումարտակի պարեկ Միեր Մարտիրոսյանի /կրճանշան 06413/ կողմից վարորդի նկատմամբ «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն կազմվել է վարչական իրավախախտման վերաբերյալ արձանագրություն և կայացվել թիվ 8300505605 որոշումը՝ վերջինիս 20.000 ՀՀ դրամի չափով տուգանելու մասին:

04.04.2023թ-ին ՀՀ ՆԳՆ ոստիկանության պարեկային ծառայություն ստացված դիմումով դիմողը խնդրել է չեղյալ համարել ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 24.03.2023թ. կայացված թիվ 8300505605 որոշումը՝ մասնավորապես նշելով, որ տրանսպորտային միջոցն անցել է տեխնիկական զննություն և ներկայացրել է տրանսպորտային միջոցի տեխնիկական վիճակի զննության արատորոշման քարտի պատճեն:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ 24.03.2023թ-ին կայացված թիվ 8300505605 վարչական ակտը ենթակա է բեկանման հետևյալ պատճառաբանությամբ՝

Պարեկային ծառայողի պարզաբանման համաձայն՝ դիմողի կողմից թույլ տրված իրավախախտումը՝ վերջինիս կողմից «Վազ» մակնիշի 37 RV 893 հաշվառման համարանիշի տրանսպորտային միջոցն առանց օրենսդրությամբ սահմանված կարգով

տեխնիկական վիճակի զննություն անցած չլինելու փաստն արտացոլվել է դյուրակիր համակարգչում առկա ծրագրում, որի արդյունքում էլ կայացվել է համապատասխան որոշումը:

Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն՝ օրենսդրությամբ սահմանված կարգով տեխնիկական զննություն չանցած կամ տեխնիկական զննությամբ ի հայտ եկած՝ Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքություններից կամ պայմաններից որևէ մեկի առկայությամբ տրանսպորտային միջոց վարելն առաջացնում է տուգանքի նշանակում սեփականատիրոջ կամ տիրապետողի նկատմամբ՝ սահմանված նվազագույն աշխատավարձի քսանապատիկի չափով:

«Ճանապարհային երթևեկության անվտանգության ապահովման մասին» ՀՀ օրենքի 15-րդ հոդվածի 1-ին մասի համաձայն՝ Հայաստանի Հանրապետության տարածքում շահագործվող տրանսպորտային միջոցները Հայաստանի Հանրապետության օրենսդրությամբ սահմանված կարգով ենթակա են տեխնիկական զննության:

Նույն օրենքի 15-րդ հոդվածի 3-րդ մասի համաձայն՝ թողարկման տարեթվից հաշված՝ 4-ից ավելի, ներառյալ՝ 10 տարվա արտադրության թեթև մարդատար ավտոմոբիլներ, բեռնատար տրանսպորտային միջոցներ, ուղևորի մինչև 8 նստատեղ ունեցող բեռնաուղևորատար տրանսպորտային միջոցներ, կցորդներ (կիսակցորդներ), մոտոցիկլեր (բացառությամբ սույն մասի 2-րդ կետով նախատեսված տրանսպորտային միջոցների)՝ 2 տարին մեկ անգամ.

Քաղաքացու կողմից ներկայացված արատորոշման քարտի պատճենի ուսումնասիրությունից պարզվում է, որ «Վազ» մակնիշի (նույնացման համարի XTA210990W2304885), (հաշվառման վկայագրի համարի XG932879) տրանսպորտային միջոցը անցել է տեխնիկական վիճակի զննություն՝ 1 տարի ժամկետով:

ՀՀ ՆԳՆ ոստիկանության ՃՈ էլեկտրոնային ռեգիստրից կատարված քաղվածքների համաձայն՝ «Վազ» մակնիշի 37 RV 893 հաշվառման համարանիշի) նույնացման համարի XTA210990W2304885) տրանսպորտային միջոցի վրա նախկինում տեղադրված են եղել 37 QR 010 հաշվառման համարանիշերը. կատարվել է տրանսպորտային միջոցի հաշվառման համարանիշի փոփոխություն, և տրանսպորտային միջոցի վրա տեղադրվել են 37 RV 893 հաշվառման համարանիշերը:

Հայաստանի Հանրապետության Կառավարություն 2021 թվականի սեպտեմբերի 24-ի թիվ 1565-Ն որոշման հավելվածի 19-րդ կետի համաձայն՝ արատորոշման քարտի գործողության ժամկետում տրանսպորտային միջոցի սեփականատիրոջ փոփոխության դեպքում տվյալ արատորոշման քարտը պահպանում է գործողության ժամկետը:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության հանգամանքների առկայության դեպքում:

Այսպիսով, դիմումատուի արարքում բացակայում է «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասով

նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 24.03.2023թ. կայացված թիվ 8300505605 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Շիրակի մարզի գումարտակ:

**Պերի պարտականությունների
ժամանակավոր կատարող,
ոստիկանության գնդապետ՝**



Ա.Մաթևոսյան